

葉縣志總目

卷首

序文 目錄 纂修姓氏 凡例 圖考

卷之一

輿地志

沿革

星野

疆域

形勢附

山川

古蹟

卷之二

建置志

城池

街道附

廨宇

鋪舍附

倉廩

學校

觀附

坊表

關津

橋梁

寨堡附

祠宇附

寺

卷之三

禮樂志

典禮

職祀

鄉約

總目

卷之四

賦役志

丁役里甲

田賦鹽法

雜稅附驛站

卷之五

職官志

各表

卷之六

選舉志

各表

卷之七

名宦志

卷之八

人物志

鄉賢書院

儒林藝苑

文苑

孝義

忠烈

卷之九

藝文志

賦墓表

詩

頌

贊

記

序

墓志

銘

傳

書

事

論

考

祭文

卷之十

雜記

紀事錄異

輯聞辨疑

附錄

舊志凡例

舊志編次

舊志纂修姓氏

葉縣志卷之九二

同知銜調署葉縣事中牟縣知縣歐陽霖重修

藝文補上

由案言藝文尙矣歷代以來詩賦詞章體分類別汗青

所載炳若日星而登眺紀勝發潛揚休亦時託諸聲律

作爲紀傳要皆闡發古人義蘊因以自抒其風雅藻續

之思或奕世而傳爲著蔡或同時而壽之山川豈特文

章足爲世用哉良以千百年後欲見古人者親丰采於

簡牘中則登高能賦亦將憾發而興起矣葉雖著作缺

如采而輯之幸存什一於千百未可謂之不幸也志藝

文第九

賦

問津臺賦

鮑訪

惟歲臨乎甲午余經蔡以遊陳見歸然之故臺沒路隅之
荒榛側聞夫子於此問津方太公迷殷遇文王伊尹迷莘
遇成湯何夫子之不遇處昏濁而遂亡永追想於遺跡遂
投弔於寒荒

昆陽城賦

宋蘇軾

淡平堊之霏霽忽孤城之如塊風吹沙以蒼莽悵樓櫓之
安在橫門豁以四達故道宛其未改彼野人之何知方疆

僂而畦菜嗟夫昆陽之戰屠百萬於斯須曠千古而一快
想尋邑之來陳兀若驅雲而擁海猛夫扶輦以蒙茸虎豹
雜沓而橫潰罄天下於一戰謂此舉之不再方其乞降而
未獲固已變色而驚悔忽于騎之突出犯初鋒於未艾始
憑軾而大笑旋棄鼓而投械紛紛藉藉死於溝壑者不知
幾何人或金章而玉佩彼狂童之僭竊蓋已旋踵而將敗
豈豪傑之能得盡市井之無賴貢符獻瑞一朝而成羣兮
紛紛就死其何怪獨悲傷於巖生懷長才而自浼豈不知
其必喪獨徘徊其安待過故城而一弔感志士之永慨

甘澍賦

并引

明提學
道副使

李

葵

內鄉人

萬厯己亥自夏仲厯季不雨百姓惶惶葉侯馮未庵惻然憂之齋沐拜禱靡神弗周謂父老曰往者二十四年旱蝗禱河山龍井應焉盍修前事遂率士民徹蓋徒跣十步一拜僕僕赤日中勞倍往昔四境見者聞者感且泣下禱畢輕雷微雨隨侯以歸衆見有白蛇三尺許從南來皆闕然驚視蛇避衆潛窺之蛇乃出昂首蜿蜒入井中起視瓶水溢出頃之大雨竟日夜四境霑足境外無雨父老士女以手加額曰茲侯膏澤我而粒我也吾屬老且死未有見憂民如我侯者蓋自仁會禱雨而百姓興歌圖澄感天而白龍降宇今侯得之矣子路

野閭侯美政多端復因葉父老之請乃不辭蕪陋作甘
澍賦爲侯頌焉

賢皇穹居茲徂暑兮氣忻忻而蘊隆陽驕亢以弗降兮陰
塞閉而爲蒙俯山川之修阻兮悼嘉穀之盡萎羞屏翳之
弗職兮蹇雲駐而罔功羌祝融扇此鬱燠兮原隰燬而升
煙星火熾茲炎氛兮揚芒燦而降天晝冀帝以執日兮夜
仰雲漢之昭然田畯倚耒長太息農人束手而涕漣雲油
油露且濡兮恍皇澤之降滋忽顛隳翕復習兮掃雷霆而
電馳紛妖魃爲此崇兮焚巫庭平糝益星符虛而罔應兮
月離畢而愆期荷仁侯哀此下民兮恒憂心之如熏軫予

遺其無所兮潔精誠而孔殷盡祠壇靡愛牲璧兮感寥寥
弗一驗繼復禱於龍井兮祈虔一而罔分甯有事於靈星
兮焉用禱乎木仙胡羨養於神池兮安陽石之可鞭擬桑
林之芳躅兮暴赤日以徹蓋計步十而一匍匐兮誓禺中
而請代竭勤閔如煖焚兮焉能含水與醴酒冀皇眷之遄
回兮庶吾民之有賴禮嶠嶢嶢嶢之石穴兮冥且淵如儼
風雷隱隱深藏兮神龍之居旁穿空洞無底極兮潛叵測
也甫陳詞控祝登拜兮輕雷隨車俄白螭自南以升屹兮
宛翹首而若馴頃避復回以入井兮光皚皚以射人稽古
溢口之臨詣兮感白龍以降神造天井以遣告兮繞巨虬

於壇壝茲維皇效此特異兮揆往跡而弗爽忽瓶水之津
津兮神貺丕顯而奚疑埒黑蜨躍於玄泉兮陋蜥蜴之頻
呼誚蒲肅設於防帟兮卽石牛乎焉塗迓玄冥之忽駕靈
馭兮鞭風雷於四陲氣滄霤以黥黥兮聲瀟灑而淋漓漸
靈靈以霧霈兮竟日夜而霑濡灑豐浸於中疇兮欣靈雨
之旣零我禾黍之與與兮輸公私而俱盈顧四郊以稱足
兮詢境外則獨無天靡高而弗格兮誠隨至而皆孚辭曰
雖帝力兮侯之錫蘇我民兮侯之績我侯來兮百廢興百
廢興兮善政成感神明兮三異徵三異徵兮民更生仁我
民兮著芳聲芳聲著兮達神京能久藉兮入台衡爲霖天

下兮泰階平維侯恩兮維永存分勒貞璠兮終不可謬兮

憤樂亭賦

國朝 歲貢 王 繡 邑人

湯湯渚水峩峩黃山鳬飛北闕龍騰南天溺車溪下曬書
臺前謁耕往矣狂歌猶傳此固名人託跡之區而亦素王
過化之間大哉聖乎其言如綸慮于高之滋惑獨畢生之
精勤甫田可反而却步往簣乃得其持循維憤生樂其樂
自真諒普天所奉爲著祭而吾葉尤宜寶爲書紳者也爾
乃步賢關披聖幄數禮器訪遺學弔轍跡之淹蹇緬聖謨
之廣博嘉惠後人大道攸託建新亭以命名恍提命之如
昨觀斯亭之聳峙居泮水之中央檐牙共紫極頰彩節

並黃道呈祥浮梁咽蘭香之波虛幽遠蟠蛟之光錯錯遊
泳於廊下芹藻出沒於砌旁萬種花擁城而掩映一曲欄
倚岸以徜徉擬因濱以澡德比舞雩以適狂洵上達之佳
景信陶涿之有方他若丹臺魏表崇門洞徹輦路前臨殿
宇高揭檜柏鬱蒼廊廡幽折鏡亭濟濟鼙鼓烈烈近聖居
而著斯敦大觀之廣遠至於文星聯瑞於東閣奎壁照耀
於南樓雲路高高而可攀雉堞坦坦而堪遊覽煙火於萬
家望村落於一草水流通帶亂山連群綿陌平鋪茂林環
周卽四眺之圖遠觀斯亭之帶幽由亭以往則有圖書之
府著作之庭廣藏百史庫貯九經五車都載十緹充樞縉

義相映王陵金龜首山紫泥之子翠鶴蘭采之英赤虹玉
尺之秘朱雀雲霞之精乃有闕英遺才清都彤史龍翰鳳
雛之傑蘭蓀白雪之士重不珥筆來遊巾車至止探伊洛
之淵源還尼山之宗旨編琉璃以纂書裁瑤珎而印紙摺
文則金石九章詠詩則笙簧四始既游衍於六藝亦縱橫
於八體廣寤寐之無數乃感憤而興起於焉十載閉戶三
年下帙鐵硯自勵圓木自規過鍾鼎而可捐懸空梁而刺
錐既窮幽而入奧乃融融焉覺聖賢之趨步可追是以聞
望卓然詞壇共推扶風留尚書之臺文通遺漂麥之微彼
月露與風雲縱綠情綺麗而未窺乎至道之藩籬當夫旭

日方遲惠風微扇黃鳥睨晚豐草綿芊我公臨莅園橋聽
觀藝習矍圃之文禮講樹下之篇我公於是穆然深思宰
然高望曰旨哉亭乎是大聖人之所憑式也不可無歌以
紀其末顛於是拜手而爲之歌歌曰望宮牆兮大無門顧
名義兮功維勤深景行兮矢勿讓樂陶陶兮澤華新

詩

登葉故城謁沈諸梁廟

隋李百藥

總轡臨秋原登城望寒日煙霞共掩映林野俱蕭索楚塞
鬱不窮吳山高漸出客行殊未已沐浴期終吉椒桂奠芳
樽風雲下虛室偕寧肅而靜心神康且逸伊我非真龍勿

驚疲朽質

寄汝墳從弟楚材時郊將入秦楚材適楚

唐
孟郊

朝爲主人心夕作行路吟
汝水忽淒咽汝風流若音
北闕秦門高南路楚石深
分淚灑白日離腸繞青岑
何以寄遠懷黃鶴能相尋

城西訪友人別墅

雍陶

澧水橋邊小路斜
日高猶未到君家
村園門巷多相似
處處春風枳殼花

汝墳別業

失路農爲業移家到汝墳獨愁常廢卷多病久離羣
鳥垂窗柳虹霓出澗雲山中無外事樵唱有誰聞

聞丹邱子於城西營石門幽居中有高鳳遺跡僕離
羣遠懷亦有棲遁之志因序舊以寄之

李 白

春華滄江月秋色碧海雲離居盈寒暑對此常思君思君
楚水南望君淮山北夢魂雖飛來會面不可得疇昔在嵩
陽同衾卧羲皇綠蘿笑簪紱丹壑賤巖廊晚途各分析乘
興任所適僕在鴈門關君爲峩眉客心懸萬里外影滯兩
鄉隔長劍復歸來相逢洛陽陌陌上何喧喧都令心意煩

迷津覺路失託勢隨風翻以茲謝朝列長嘯歸故園故園
恣閒遊求古散縹帙久欲入名山婚娶殊未畢人生信多
故世事豈惟一念此憂如焚悵然若有失聞君卧石門宿
昔契彌敦方從桂樹隱不羨桃花源高風起遐曠幽人跡
復存松風清瑤瑟溪月湛芳樽安居偶佳賞丹心期此論

鄴中王大勸入高鳳石門山幽居 李白

一身竟無託遠與孤蓬征千里失所依復將落葉并中途
偶良朋問我將何行欲獻濟時策此心誰見明君王制六
合海塞無交兵壯士伏草間沈憂亂縱橫飄飄不得意非
發南郡城紫燕檐上嘶青萍匣中鳴投軀寄天下長嘯